

Sukladno *Zakonu o posredovanju u zapošljavanju i socijalnoj sigurnosti nezaposlenih osoba* („Službene novine Federacije BiH“, br. 41/01, 22/05 i 9/08) i temeljem Sporazuma o međusobnoj suradnji između Federalnog zavoda za zapošljavanje, Ministarstva za pitanja branitelja/boraca HNŽ/K i Službe za zapošljavanje HNŽ-HNK broj:02-1-45-1-5-221-448/5-25 objavljuje se Javni poziv za **„Projekt sufinansiranja zapošljavanja i samozapošljavanja djece šehida/poginulih branitelja 2025“** (u daljem tekstu: **Projekt**)

## **JAVNI POZIV**

### **za sudjelovanje u „Projektu sufinansiranja zapošljavanja i samozapošljavanja djece šehida/poginulih branitelja 2025“**

Za realizaciju Projekta osigurana su finansijska sredstva u iznosu od 300.000,00 KM.

Iznos od 150.000,00 KM bit će osiguran od strane Federalnog zavoda za zapošljavanje, a iznos od 150.000,00 KM od Vlade Hercegovačko-neretvanske županije/kantona.

Ukupno planirana finansijska sredstva u iznosu od 300.000,00 KM raspoređuju se na sljedeći način:

- a) 270.000,00 KM za sufinansiranje zapošljavanja i
- b) 30.000,00 KM za sufinansiranje samozapošljavanja

Sredstva koja ne budu utrošena na način propisan točkom a) i b), preusmjerit će se tako da se neutrošena sredstva za samozapošljavanje preusmjere na zapošljavanje i obrnuto.

Nositelj realizacije ovog Projekta je Služba za zapošljavanje Hercegovačko-neretvanske županije/kantona (u daljem tekstu: **Služba**).

#### **• Cilj Projekta**

Projekt se realizira s ciljem zapošljavanja i samozapošljavanja nezaposlenih osoba, djece poginulih i nestalih branitelja/šehida koje se nalaze na evidenciji Službe dan prije zaključivanja ugovora o radu s poslodavcem, kao i osoba koje su bile zaposlene po Programima sufinansiranja zapošljavanja djece poginulih branitelja/boraca iz prethodnih godina, ali ne duže od 35 mjeseci.

#### **• Korisnici**

#### ***Poslodavci***

Pravo prijave na Javni poziv imaju pravni subjekti koji imaju registriranu djelatnost na području Federacije BiH, a koji redovito izmiruju obveze po osnovu poreza i doprinosa, te poslodavci koji imaju sa Poreznom upravom Federacije BiH potpisan Sporazum o odgođenom plaćanju duga po osnovu javnih prihoda.

U Projektu ne mogu sudjelovati:

- poslodavci koji su koristili kreditna ili bespovratna sredstva iz poticajnih mjera Federalnog zavoda za zapošljavanje i Službe, a nisu ispoštovali obveze u skladu sa zaključenim ugovorima, odnosno nisu zaposlili predviđen broj radnika i/ili ne vraćaju redovito dobivena sredstva,
- poslodavci koji ne izmiruju redovito obveze po osnovu poreza i doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer s radnikom nisu zaključili ugovor o radu – rad na crno,

- poslodavcima koji su učestvovali u Programima sufinanciranja zapošljavanja djece poginulih branitelja/boraca iz 2023. i 2024. godine, a prekinuli su radni odnos sa sufinanciranim osobama, neće se sufinancirati zapošljavanje istih osoba.

Poslodavcu se neće sufinancirati zapošljavanje osoba koje je već zapošljavao, i ne koristeći sredstva iz poticajnih mjera Zavoda/Službe, a koje je otpustio u posljednjih 12 mjeseci prije dana podnošenja prijave na Javni poziv. Također, poslodavcu se neće sufinancirati zapošljavanje osoba koje je već zapošljavao koristeći sredstva iz poticajnih mjera Zavoda/Službe, a koje je otpustio u posljednja 24 mjeseca prije dana podnošenja prijave na Javni poziv.

### ***Nezaposlene osobe***

Korisnici Projekta su nezaposlene osobe, djeca poginulih i nestalih branitelja/boraca prijavljene na evidenciju Službe dan prije zaključivanja ugovora o radu s poslodavcem, osobe koje su zaposlene po Programima sufinanciranja zapošljavanja djece poginulih branitelja/boraca iz prethodnih godina, ali ne duže od 35 mjeseci. U slučaju pokretanja vlastite djelatnosti osobe koje se nalaze na evidenciji bez obzira na stupanj obrazovanja i starosnu dob prije dana podnošenja prijave na Javni poziv.

### • **Način sufinanciranja**

Služba Poslodavcu mjesečno isplaćuje/refundira iznos neto plaće za radno mjesto koje odgovara stupnju stručnog obrazovanja, i to 900,00 KM za osobe sa završenim dodiplomskim i diplomskim studijem, i 800,00 KM za osobe sa ostalim stupnjevima obrazovanja. Refundirani iznos se u cjelini odnosi na dio neto plaće sufinancirane osobe, a poslodavac je dužan obezbjediti razliku do minimalne neto plaće te na istu obračunati i platiti obvezne doprinose i poreze.

Nezaposlene osobe, sa kojima se zaključi ugovor o sufinanciranju samozapošljavanja, bez obzira na vrstu djelatnosti/društvo, ostvaruje pravo na poticajna sredstva u iznosu od 900 KM mjesečno na period do dvanaest (12) mjeseci. Ukoliko korisnik u okviru pokrenute djelatnosti/društva, osim sebe zaposli i neku drugu osobu, prijavljenu na evidenciju nezaposlenih iz ciljne skupine, mjesečno će mu se isplaćivati/refundirati sredstva u iznosu od 900 KM mjesečno po osobi za VSS, te iznos od 800 KM po osobi za ostale stupnjeve stručne spreme u trajanju do šest (6) mjeseci. Nezaposlene osobe kojima se odobri sufinansiranje samozapošljavanja mogu zaposliti najviše dvije (2) osobe po ovom Projektu.

### • **Osnovni kriteriji za bodovanje prijave za sufinanciranje zapošljavanja**

Prednost pri odobravanju poticajnih sredstava po Projektu imaju poslodavci:

- koji zapošljavaju nezaposlene osobe u proizvodnoj djelatnosti,
- koji zapošljavaju veći broj osoba iz ciljne skupine u odnosu na ukupan broj zaposlenih,
- koji zapošljavaju osobe bez oba roditelja,
- koji zapošljavaju osobe koje žive u kućanstvu u kojem su svi članovi nezaposleni,
- poslodavci koji će isplaćivati veću neto plaću od zakonom definirane minimalne neto plaće

- **Osnovni kriteriji za bodovanje prijave za sufinanciranje samozapošljavanja**

Prednost pri odobravanju poticajnih sredstava po Projektu imaju nezaposlene osobe:

- koje su nezaposlene duže od 12 mjeseci,
- koje su osobe bez oba roditelja,
- koje žive u kućanstvu u kojem su svi članovi nezaposleni.

- **Javni poziv**

Javni poziv za sudjelovanje u Projektu se objavljuje dana 29.09.2025. godine, na oglasnim pločama Službe (sve podružnice ) i internet stranici [www.szzhnz-k.ba](http://www.szzhnz-k.ba) i službenoj web stranici Vlade HNŽ/HNK. Javni poziv ostaje otvoren trideset (30) dana od dana objavljivanja, nakon čega se vrši ocjena prijava, te se utvrđuje rang lista.

Nepotpune i neblagovremeno pristigle prijave neće se uzeti u razmatranje.

- **Prijava na Javni poziv**

Zainteresirani poslodavci i nezaposlene osobe se prijavljuju na Javni poziv popunjavanjem prijave (obraci P2-1 zapošljavanje i P2-3 - samozapošljavanje) koje su dostupne na internet stranici Službe [www.szzhnz-k.ba](http://www.szzhnz-k.ba) ili se mogu preuzeti u prostorijama Službe.

- **Obveze poslodavca**

Poslodavci su prilikom prijave na Javni poziv dužni dostaviti sljedeću dokumentaciju:

- popunjen, potpisan i pečatom ovjeren obrazac P2-1
- ovjerenu kopiju rješenja o registraciji djelatnosti/društva
- kopiju identifikacijskog broja
- broj računa u poslovnoj banci na koji će se sredstva doznačiti
- uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od tri (3) mjeseca
- ovjerenu izjavu o visini neto plaće za sufinanciranu osobu
- dokaz o pripadnosti kategoriji djece šehida/poginulih branitelja (original ili ovjerena kopija uvjerenja ili potvrde)
- dokaz o socijalnom statusu nezaposlene osobe (za dijete bez oba roditelja potrebno je dostaviti smrtne listove, te za osobu u čijem kućanstvu su svi članovi nezaposleni kućnu listu)

Organi uprave i druge institucije koje posluju preko trezora, umjesto Uvjerenja Porezne uprave dostavljaju dokaz da trezorski posluju.

**Nezaposlene osobe koje podnose prijavu za samozapošljavanje, dostavljaju:**

- Popunjen i potpisan obrazac P2-3
- dokaz o pripadnosti kategoriji djece šehida/poginulih branitelja (original ili ovjerena kopija uvjerenja ili potvrde)
- dokaz o socijalnom statusu nezaposlene osobe (za dijete bez oba roditelja potrebno je dostaviti smrtne listove, te za osobu u čijem kućanstvu su svi članovi nezaposleni kućnu listu)

- u slučaju zapošljavanja dodatnih osoba iz ciljne skupine dostavlja se: dokaz o pripadnosti kategoriji djece šehida/poginulih branitelja (original ili ovjerena kopija uvjerenja ili potvrde) i za osobu koja se zapošljava.

Nakon što Služba odobri tražena sredstva, nezaposlene osobe koje osnivaju djelatnost u roku od 60 dana od dana prijave na Javni poziv, dostavljaju sljedeću dokumentaciju:

- ovjerenu kopiju rješenja o registraciji djelatnosti/društva
- kopiju uvjerenja o poreznoj registraciji (ID broj)
- ugovore o radu s nezaposlenim osobama koje zapošljava ili s kojima pokreće djelatnost
- broj računa u poslovnoj banci na koji će se sredstva doznačiti

- **Način podnošenja prijave na Javni poziv**

Poslodavci i nezaposlene osobe koje osnivaju djelatnost dostavljaju popunjenu prijavu sa pratećom dokumentaciju preporučenom poštom ili osobno na adresu:

**Služba za zapošljavanje HNŽ-HNK**  
**Kralja Tvrtka 19,**  
**88000 Mostar**

Sa naznakom: **„Prijava na Javni poziv „Projekt sufinanciranja zapošljavanja i samozapošljavanja djece šehida/poginulih branitelja 2025“- NE OTVARATI“**

Umjesto putem navedene adrese, prijave je moguće dostaviti osobno i u podružnice Službe.